

海陽縣志卷二十五

前事略二

國朝

順治元年

是年三月流賊陷京師  
我大清順治元年

閩賊姜世英鄭芋匏葉祝老林

尾等犯潮州

周志

姜世英閩賊也順治元年甲申正月由詔安寇饒平諸縣二月

鄭芋匏寇海陽官兵皆擊敗之三月葉祝老以數千人屯郡城

河東肆行焚掠閩參將施福統兵自蘇山壩逐至茅坑殺戮無

算橫屍徧野祝老就擒五月世英黨胡尾老謀襲府城自歸仁

都以雲梯緣城官兵發大礮擊退尾老遁回漳州秋七月世英

海陽縣志

卷二十五

前事略二

一

乞撫巡道葉重華許之至期坐演武場劍戟森嚴縛世英及其

黨皆斬之冬十月賊黨林尾統眾數千紮槐梓溝都司郭躍會

龔林盛鄉總許元會擊之官軍大敗元會死焉施福追至揭陽

林尾遁

同上

二年黃海如犯潮州

周志參  
張志

黃海如澄海人與兄漢曰俱給事郡邑為吏尋投南澳從軍有

功劄授遊擊銜順治二年乙酉聞南都失守遂招亡命揭竿稱

亂藉名興復肆行劫掠縣令劉珙撫諭不聽倡眾劫庫放囚毀

官廨民房城內一空殺舉人戴星貢生郭雲龍而去閏六月初

三日犯潮州府約奸徒為內應知府楊球捕斬之徧城設柵參

將劉遠督民兵嬰城固守在籍給事中辜朝薦之妻謝氏捐募壯勇殺賊始解退七月復至會吳六奇來援其裨將蕭欽尤驍勇海如夜遁九月入閩就撫十一月移哨故里埭頭村餘黨李天宜踞海陽縣之鶴塘入府城民擊殺之同上

三年陳斌犯潮州

周志

陳斌黃海如黨嘗從海如駕舟破南桂都隄海澄二邑民廬田墓淹沒殆盡是年犯府城巡道黃潤中擊卻之同上

大清兵下潮州

通鑑輯覽

福建阮平獲明唐王聿鍵以佟養甲與李成棟率兵定廣東而故明大學士蘇觀生檄唐王弟聿鏗稱號廣州改元紹武有潮

海陽縣志

卷二十五

前事略一

一一

人楊明競者好爲大言詭稱精兵滿惠潮間可十萬觀生以爲惠潮巡撫養甲與成棟已由福建趨潮州下之長吏皆降附卽用其印移牒廣州報無警而潛師爲賈人裝襲破之擒明宗室

王世子十三人聿鏗與觀生皆自殺

通鑑輯覽滿漢名臣傳佟養甲傳逆臣傳李成棟傳

四年七月下遊守備李明領所部百餘人抵潮伏開元寺外與賊應謀襲城提督程珣參將陳君諤與明給事中辜朝薦置酒寺中與明計事密遣張瑞漢等統兵入斬之殲其黨周志  
僞總兵車任重殺故明巡道李光垣等

車任重歸善縣招撫紅頭賊黨也自稱潮州總兵提兵攻吳六奇爲六奇伏兵截殺奔回府城僅以身免巡道李光垣知府凌

犀渠知縣桂岳自肇慶

時永明王由榔稱號改元永曆以肇慶府署為行宮

至見任重兵

驕恣頗為裁抑或謂道府將不利於總鎮任重惑焉適偽明朱

慈眷擁兵城外乃佯邀道府等議事即座間殺之

俱同上

謹案李明應賊與朱慈眷擁兵城外皆在是月疑明謀應者

即慈眷也

五年元旦明將郝尚久殺車任重

張志參周志

時肇慶遣尚久密圖任重以四年歲終至潮州寓南門外崇福

庵元旦任重來賀尚久收縛斬之時紅頭黨殲滅殆盡

周志

謹案逆臣傳成棟以五年正月得金聲桓遺書約期舉事遂

據南雄叛

通鑑輯覽載在四月

納款由榔迎之駐肇慶使其黨賊害養

### 海陽縣志

### 卷二十五

前事略一

二二

甲及巡撫劉顯名潮州總鎮車任重等據此則尚久即成棟

黨任重之殺當在成棟既叛之後不當在五年元旦也又通

鑑輯覽載李成棟請由榔入廣州瞿式耜慮成棟挾由榔自

專復上疏力爭乃以是年秋八月駐肇慶竊疑郝尚久之遣

是八月後事周志或誤五年為四年矣而佟養甲傳謂成棟

與養甲部將郝尚久爭功有隙又似尚久投誠在成棟未叛

之前者鈎考年月彼此牴牾姑闕所疑

四月提督李成棟以廣東叛附於桂王由榔

通鑑輯覽

成棟不樂受總督佟養甲節制又與養甲部將郝尚久爭功有

隙反計益決遂叛於南雄傳檄各屬遣使附由榔

通鑑輯覽滿漢名臣傳佟

養甲  
傳

六年郝尚久勦黃海如走之周志

先是王師下潮州海如與其黨陳斌相繼投誠總督佟養甲許其隨征贖罪遣鎮雷州至是復殺雷州知府趙最叛歸總兵郝

尚久勦之遁走同上

七年黃海如陳斌劉公顯導閩寇鄭成功圍府城五十日漳鎮王邦俊援師至解去乃探沿海州縣積貯稍裕者駕舟索饜自是歲

以爲常周志參張志

閩寇余仁肆掠龍湖寨周志

十二月盧壽踞龍溪都橫山鄉居民逐之遁去同上

### 海陽縣志

### 卷二十五

前事略一

四

十年總兵郝尚久叛靖南王耿繼茂與靖南將軍哈哈木副都統道喇率師討平之尚久投井死滿漢名臣傳耿繼茂傳

郝尚久自殺車任重投誠權鎮潮州九年結寨金山越明年正月張鐙宴會勢甚橫三月總兵劉伯祿至檄尚久爲參將尚久

怏怏不赴任署巡道沈時促之遂叛自稱新泰伯奉故明永曆七年號賦役加酷執知府薛信辰下獄尋釋之四月攻潮陽縣

不克閏八月靖南王耿繼茂統藩漢官兵士兵號十萬分駐城外九月以巨礮攻西北門陰遣舟師登城東尚久奔金山寨與

子堯投井死周志參張志

謹案任重之殺周志與逆臣傳所載各異以六年黃海如犯

潮尚久擊走核之此必尚久投誠後權鎮潮州事是尚久殺車任重投誠當在六年以前志統繫於十年誤也又滿漢名臣傳中耿繼茂傳哈哈木傳道喇傳皆載尚久順治十年叛亦不在癸巳之明年至道喇傳所稱李定國自廣西掠廣東尚久應之踞城以叛耿繼茂傳又稱同總兵吳六奇圍城逾月招降賊將王立功使爲內應遂樹雲梯登城殲賊無算與舊志有異同附識於此備考證焉

有星大如鉢西湖浮大魚長數丈脊爛爛如紅旗俄不見

同上

十一年總兵劉伯祿勦社甲鄉賊鄭元

張志鄭元周志作鄭元平

鄭元海陽社甲鄉人黃海如餘黨乘亂復煽自稱都督以邱孔

## 海陽縣志

### 卷二十五

前事略一

五

異洪至汝爲謀主伯祿統兵討之燬其巢俘其眾元走死

同上

謹案伯祿以十年至潮州周志繫於康熙十三年誤也

十二年閩寇犯潮州九月陷上莆金砂寨及龍溪鳳廓寨

周志參鹿洲集

十五年大有年

郝通志

十七年三月鄭成功掠潮州瀕海諸縣十一月復至總兵黃應傑

吳進功禦之

周志

十八年有龍騰於猴拍嶺毀民廬

張志

康熙元年遷沿海居民賑之

郝通志

先是鄭芝龍父子相繼跳梁內閣滿州大臣蘇納海鼇拜議沿海建墩臺賊至烽火爲號以便守禦徙內地民以杜奸宄接濟

之患粵省東起饒平大城所上里尾西迄欽州防城至是復令  
吏部侍郎科爾坤兵部侍郎介山同平南王尚可喜將軍王國  
光沈永忠提督楊遇明等巡勘潮屬瀕海六縣令徙內地五十  
里賑貧民之不能遷者

南澳志參  
郝通志

二年西郊火延燒民屋千餘八月初八日韓江水漲拍天有龍見  
於楓洋白水之間少頃挾雲飛去

周志

三年二月西南郊災

張志

三月再巡界

郝通志

遣吏部尚書伊里布兵部侍郎顧圖偕藩院將軍提督覆勘令  
再徙內地五十里海陽遷去龍溪上莆東莆南桂四都秋溪江

海陽縣志

卷二十五

前事略一

六

東水南三都之半

南澳志

自二月不雨至五月饑六月颶風雨東津江東南桂隄皆潰遷民  
流離多淹斃十月彗星見十二月乃沒

張志

四年正月日有黑光摩盪二月旱田多荒遷民流離益甚是年四  
廂災燬瓦屋數千間

周志參  
張志

五年正月南北廂災自四年九月不雨至於二月大和都槐梓溝  
地裂五尺深無際而有水五月颶雨江東隄潰八月有二星見東  
西方光如燭下有芒九月地再震

同上

裁澄海縣既遷界澄海僅存蘇灣一都迺歸併海陽

南澳志參  
郝通志

六年正月四廂皆災燬民舍千計鳳凰州死於火者二百餘人五

月颶風十一月地震

張志

頒廣東六禁勒石縣門

郝志

先是總督盧崇峻疏陳粵東六大害一夫役二派船三採買四私抽五攀害六擅殺下巡撫王來任覆奏至是同請勒石禁革

粵民稱便

郝通志

七年正月有白氣如劍長數丈下有

如柄見西方五月颶七

月再颶十一二月西北兩廂災燬民廬數百

張志

十二月陳玉友襲揭陽知縣龔元英捕斬之

周志

玉友海陽桑浦山寇與潮陽賊邱輝勢相犄角有術者謂曰君貴相當鼎峙而王玉友喜偕羣盜襲揭陽自稱王者之師入城

### 海陽縣志

#### 卷二十五

前事略一

七

禁殺戮而擄掠如故元英募斬玉友者予千金兵壯爭先逐至海港擒斬玉友十人爭功裂屍為十段以千金予十人均之

同上

八年三月量復遷海居民舊業復設澄海縣

郝通志

先是巡撫王來任疏陳四事一請亟復遷民及御史楊雍建條奏旋奉

諭旨遣大臣會同平南王尚可喜總督周有德巡歷勘復遺民獲

蘇復析海陽置澄海縣

同上

邱輝圍龍湖寨

周志

輝幼投臺灣鄭氏為盜劫掠沿海是年統賊船數百圍龍湖寨

同上

謹案周志載輝刦掠事甚詳其非海陽界者不錄

九年冬大有年

張志

十年大有年斗米錢二十文

周志

十一年詔選各學生員一人入監讀書

郝志

十二年三月尚可喜疏請撤藩許之十一月逆藩吳三桂反

詔停撤藩仍留鎮

貳臣傳  
逆臣傳

聖祖仁皇帝以三桂可喜宣力有年年且老且三藩分布半天下

將成唐室方鎮之勢欲令釋兵還朝以全終始銷亂萌適可喜

疏至特允其請三桂精忠不得已亦以是年七月請撤兵而實

無行意朝議分遣哲爾肯陳一柄梁清標赴諸藩與籌撤兵後

### 海陽縣志

### 卷二十五

前事略一

八

事宜且趣之行三桂遂發兵反乃停撤藩皆仍留鎮

皇朝武功紀

春夏秋不雨禾稼不登八月大白經天凡十六夜颶雨毀屋廣濟

橋圯自此至歲終仍不雨

張志

十三年三月逆藩耿精忠反四月潮州總兵劉進忠應之

尚之孝傳

進忠聞三桂叛雲南精忠叛福建遂蓄異志遣其黨楊希震潛

趨福州納款精忠獻潮州十一州縣地請假甯粵將軍印號召

軍民將徧召所轄十三營反招山寇萬餘人會於韓江以應精

忠時績順公沈瑞駐潮微知其謀陰為之備中軍李成功與沈

有舊密約城守副將張善繼共圖進忠未發四月二十二日進

忠父壽瑞即於是日舉兵同城巷戰瑞兵敗績成功善繼謀洩

進忠繫拷無完膚是夜希震引漳鎮劉炎兵至進忠勢益張脅瑞索都統鄧光明防禦于國連瑞勢窘乃縛二人歸之進忠殺成功國連囚光明善繼並執都司白虎千總何亮以不附已殺之逐瑞狼狽出城度湘子橋婦女墮橋死棄輜重無算次日耿逆頒甯粵將軍印至進忠拜受髡髮易服從明制文檄不用本朝年號以生員蔡茂植爲副將廢知府魏魁祥以程鄉知縣王仕雲代之經歷童士超爲海陽知縣惟守道江德中預謀不易析四廂民居盡卸木植修湖山柵置大礮於金山索富民助饟括鄉寨米穀爲戰守計

周志參  
郝志

七月平南王尚可喜令其子之孝率兵討劉進忠

尚之  
孝傳

## 海陽縣志

### 卷二十五

前事略一

### 九

時普甯爲進忠黨劉斌所踞知縣段藻佯附賊潛遣人請兵約爲內應之孝謀斌出城藻閉門絕賊官兵奮擊斌竄走之孝從普甯偕都統聶包總兵王國棟進征潮州結營西南山阜時臺灣鄭經寇漳泉閩粵路梗進忠求援耿精忠不得用希震計納款於經授進忠伯爵改用永歷年號遣僞將吳陳二人及統領金某援之列營鳳凰臺進忠勢復振

周志參尚  
之孝傳

謹案討進忠者之孝周志屬之可喜誤故不錄志稱統領金某據滿漢名臣傳劉秉權傳知爲金漢臣然傳稱耿逆所遣非經也進忠求援鄭經據之孝傳與逆臣傳皆在十四年亦與志互異

九月巡撫劉秉權帥師討劉進忠敗之於鳳凰洲

滿漢名臣傳  
劉秉權傳

府城南隅有鳳凰洲河道外通大海內接城壕爲糧兵援兵必經之所進忠引逆黨六千餘人在洲架木城二踞之秉權與之孝定議進攻躬冒鋒鏑然塹排柵連破二木城賊敗奔鳳凰臺下進忠親率二千餘眾迎敵官軍乘勝連克東津筆架山洗馬橋三營賊大潰溺水死者無算斬金漢臣擒僞副將蘇忠等自此官兵因山築壘緣江列戍進忠孤城四面受敵計窘甚將乞

降

滿漢名臣傳尚之孝  
劉秉權傳參周志

十二月尚之孝攻潮州城不克走普甯

周志

時秉權以勞卒於軍進忠在困城中遣腹將詹兆奇約海賊爲

海陽縣志

卷二十五

前事略一

十

援海賊皆鄭經黨也遣善溷者置密報箚中沒水夜渡約舉火蓮花山爲號至是望火得謀知海賊何左虎已入分水關進忠遂無降意之孝命王國棟馳黃岡堵禦移大礮西南城壕外攻擊三晝夜城裂五十餘丈進忠督兵死守發湖山大礮我兵馳突登城多被擊死而國棟已爲海賊所敗從東路遁回之孝遂

還普甯

同上

十四年之孝勦進忠於鸞母山失利退守普甯

同上

之孝自普甯進兵紮營羅山進忠再求援於鄭經經遣僞統領劉國軒引賊萬餘助進忠之孝連刦進忠營進忠懼還保鸞母山適寇兵苦瘡痍多逃散我兵乘虛直逼賊營山路敝隘騎不

得成列遊擊高亮正領部卒連發斑鳩礮賊幾破之孝立馬山頂張蓋督戰賊望見分兵直擣其上之孝走師大潰進忠追至深坑死者萬人之孝遂還守普甯

周志參尚之孝傳

十五年夏颶風壞廬舍大水隄多潰

采訪冊

十六年劉進忠歸正

逆臣傳本傳

之孝既還守普甯逾年正月進忠又引海賊挑戰之孝勒馬高山望其壁壘整嚴自揣不敵夜遁惠州進忠躡攻惠州不克乃留劉國軒守惠州入臺灣謁鄭經經不禮焉逃歸經陰令何左虎奪其軍進忠喪氣時康親王統王師破仙霞關福州泉州次第克復進忠益窮蹙至是遣陳文弢至興泉迎康親王納款文

## 海陽縣志

### 卷二十五

前事略一

十一

弢密啟王具言進忠近狀王遣姚啟聖宣諭乃以六月六日歸

正尋進忠至京師論罪磔於市

周志

謹案逆臣傳本傳載進忠窮蹙歸順 上命宥進忠罪仍爲潮州鎮總兵隨大軍進勦尋疏辨謀叛事而陰通吳三桂召兵自効十九年又以精忠爲徐鴻弼發罪狀事涉進忠有與精忠密謀結爲心腹謹逮問得實同精忠磔市

廣濟橋下有聲吼如牛石墩倒其一

采訪冊

十八年七月地微震

周志

十九年惡溪寨災燬民廬數千死於火 四十餘人十月彗星見十一月有白氣長數丈見西南隅又有 吐氣如虹亙天際西郊

災焚茅屋數百瓦屋數十

同上

二十一年大有年西郊災雷擊開元寺釋迦殿

張志參周志

二十二年自正月不雨至於四月閏六月五色雲見

同上

二十三年開海禁

郝通志

二十四年自二月至五月不雨饑

張志

二十五年大有年

二十六年五月城南民婦蔡張氏一產三男

俱同上

二十八年武南公馮玉成馮亞六等鳩黨於豐政都之鳳凰山流

劫近鄉饒平民文殿佐殿餘募鄉兵勦之俘斬殆盡

周志

二十九年冬大雪殺木

張志

### 海陽縣志

### 卷二十五

前事略一

十二

三十一年大有年

郝通志

三十二年八月颶風大水田禾淹沒

張志

三十三年五月大水免被災錢糧三分之一

郝通志

秋鯉魚溝隄潰

張志

三十五年冬侵

三十六年大饑平糶設賑罷用廣鑄錢價陡賤貫餘始市斛米

三十七年大有年

三十八年有年

俱同上

三十九年夏裁鳳城驛丞

郝通志

十一月馬王廟鐘鳴越三日復鳴

張志

四十年五月大水免被災錢糧三分之一郝通志

六月大水北門隄意溪隄俱潰冬有年張志

四十一年早禾不登

四十三年夏四月蝗食禾莖冬十月雷鳴俱同上

四十四年停里役郝通志

四十六年有年周志

四十七年有年

四十八年十月虹見

四十九年春旱自正月至四月乃雨米騰貴

五十年有年

海陽縣志

卷二十五

前事略一

十二

五十二年正月雨雪五月大水沿海居民漂沒冬有年十一月大

風雨雷鳴乃止

五十三年有年

五十四年三月廣濟橋東墩石梁折俱同上

夏屯米酌改折價郝通志

五十五年五月早穀將登一夕蛺蝶至遂不熟張志

五十六年七月颶風海溢田禾淹沒民多溺冬蝗

五十七年春夏雨五月二十八日夜颶風拔木六月大水北門東

廂南廂江東諸隄皆潰地震有聲八月再颶北門隄新成復決

五十八年八月十九日夜颶風風中帶燐火損屋傷人無算

五十九年五月大水北門隄決廣濟橋圯石墩三

六十年正月雨雪早禾熟八月颶風燐火自颶出百果秋花冬實

六十一年五月颶風俱同上

雍正元年

上登極詔內每府州縣各舉孝廉方正暫賜六品冠帶以備

詔用至是頒

諭旨廣東因各有舉報郝通志

禁西洋人入內地行天主教番禺志

七月大水東廂虎豹陂決三百餘丈三鋪馬上隄秋溪拜頭隄江

東隄皆決八月五色雲見西南方九月彗星見數夜乃沒張志

### 海陽縣志

#### 卷二十五

前事略一

#### 十四

二年定海陽縣為保題缺郝通志

巡撫年希堯奏潮州府屬之潮陽揭陽饒平澄海惠來海陽皆

海濱要地例應遴選才識勝任之員保題從之同上

四五月連雨大水東廂三鋪隄江東西隴隄並決十一月大雨

水張志

三年裁產溪驛丞郝通志

四五月雨霽雨害稼八月颶風冬蝗蔬果皆傷張志

四年米鹽大貴斗米價銀至七錢鹽觔至九分

五年大疫冬大有年

六年大有年俱同上

七年春大雪冬十月十五日戌刻天朗氣清忽五色雲起環抱月輪燦爛非常人謂月華晚禾豐稔

周志

八年冬大有年斗米價銀五分

同上

十月大築隄岸

郝通志

廣濟橋墩及鳳凰臺爲韓江之衝而鯉魚溝一帶古隄爲海陽秋溪東廂水南三都之障洄溪又鯉魚溝之上流也至是知府

胡恂申請修築

以海陽縣丞分駐庵埠設關防

俱同上

九年九月地震者再十一月又震

周志

十年八月十一日酉刻白虹見自東趨西北乃滅十八日大風拔

海陽縣志

卷二十五

前事略一

十五

木

十一年六月初五日有白氣如虹三東西互天逾數刻沒七月地

震

十二年正月二十一日子刻月色深紅如血九月水溢廣濟橋十

月地震

俱同上

乾隆元年三月初九日西北風大作震雷隄寒九月初十日流星

自北而南過處割然有聲白氣如練經時始沒

周志

二年正月十二日酉刻大星帶小星有芒如霧六月初九日日暈

闊數十丈其圈五色燦爛韓江水踰廣濟橋尺許

俱同上

三年析海陽置豐順縣

阮通志

總督鄂彌達閱邊至潮州以海陽之豐政都巖谷險阻又距縣  
治遼遠 奏請置縣因明隆慶間原設城於豐政都之湯田駐  
通判令仍其舊城修葺之以四境尚狹遂割揭陽大埔嘉應地

益之  
同上

四年四月地震六月颶風

周志

五年裁潘田司巡檢改設豐順縣典史

阮通志

七年十月彗星見

周志

八年六月颶風

九年韓祠橡樹花是科中謝文在等二十二人潮郡鄉榜之盛以  
此為最七月韓江大漲謠言隄潰民挈家爭進城城外為空

海陽縣志

卷二十五

前事略一

十六

十三年夏五月庵埠連日天雨綫

十四年五月十七日夜西方虹見

十五年四月朔大雨韓江水漲越日南桂都隄潰附近東莆上莆

龍溪三都田廬蕩然

俱同上

二十一年大築江東秋溪灰隄

紳耆公勒碑

江東秋溪土隄大水輒沖決知縣金紳乃勸民盡築為灰隄

同上

二十三年七月東西兩星合倏化光燄長五尺許逾刻始沒

周志

二十四年春夏霪雨穀貴

二十五年春夏旱八月颶風

俱同上

二十七年裁潮州永豐倉大使改設浮洋市司巡檢

阮通志

二十九年春旱早穀不登冊 采訪

三十年六月颶風大水南桂鯤江隄潰

三十一年春旱早穀不登六七月彗星見

三十四年春夏大水穀貴

三十五年夏秋大水沿江稻皆淹沒八月颶風

三十六年旱

三十八年八月颶風海溢

三十九年春旱

四十二年春旱夏蝗

四十三年穀大貴

海陽縣志

卷二十五

前事略二

十七

四十四年春旱

四十五年八月颶風大水

四十六年五月大水穀大貴

四十七年大有年

四十八年有年

四十九年大有年冬彗星昏見西南方

五十年春旱蝗俱同上

五十一年大旱饑聞見錄

五十二年大旱同上

五十三年四月大水秋蝗穀大貴采訪冊

五十四年旱自正月至四月不雨

五十五年夏秋大水

五十六年三月大旱早禾不登地震

五十九年大水南桂鯤江隄潰俱同上

六十年大饑斗米錢一千文道署奎閣碑

捕斬亂民朱阿姜縣案冊

阿姜吳全竦腳鄉人嗜賭無賴行山谷中得鐵劍並符呪一冊  
偵知羅厝寨附近有錫坑集眾大言曰吾劍天所授入地土皆  
成五寶試之鎔土果成錫眾傾信乃結黨拜會聚山洞中謀不  
軌里甲報官捕獲伏法得會中姓名冊付役役稔會中皆愚民

海陽縣志

卷二十五

前事略二

十八

佯失足投冊火中眾得獲全采訪冊

嘉慶二年春旱六月大水

三年春旱米貴

五年六月地震七月大水晚穀不登九月海溢十月東方有流星

百十如織有頃乃已

八年秋大水冬靈雨

九年春夏靈雨米騰貴

十年九月地震

十二年冬蝗

十三年自正月至五月乃雨

十四年六月颶風大水

十五年春旱穀貴

十六年春旱蝗七月彗星見八月颶風大水米騰貴

二十年大水南廂隄潰夏秋地震俱同上

二十一年二月有龍垂尾西關外當湖山之右風雲騰沸湖水起

損七娘宮前後民居數十間聞見錄

二十四年六七兩月颶風大水東門街災採訪冊

二十五年春旱夏秋大疫聞見錄參採訪冊

道光二年秋旱採訪冊

四年夏大水東廂竹蠶隄潰

海陽縣志

卷二十五

前事略二

十九

五年八月彗星見長丈餘十月始沒

六年六月大水竹蠶隄潰七月疫

七年自去年九月不雨至是年五月乃雨八月颶風

八年三月大水四月又大水

十年大旱

十一年大旱

十二年大饑

十三年大饑夏秋大水竹蠶隄潰水南秋溪各隄俱潰

十四年春旱

十五年春旱饑

十七年六月大水斷鯉魚臍橫過聖者亭南隄潰三百餘丈同時東廂下深河隄俱潰田廬皆壓沙中

二十一年七月大水江東登隆秋溪東廂隄皆潰

二十二年夏秋霪雨大水江東隄潰廣濟橋墩多圯銕牛失其一

二十三年七月大水東廂涸溪隄潰百餘丈南廂孝子墳了哥宮前後潰四百餘丈

二十四年饑

俱同上

知縣吳均勦捕土賊黃悟空

道府縣案冊

先是巡道李煒煜以海陽附郭非幹員不治詳調嘉應同知吳均知縣事奸人憚其嚴明多逃他邑會歲饑潮陽黃悟空與曾

### 海陽縣志

### 卷二十五

前事略一

二十一

阿三等豎旗拜雙刀會應者萬計圍揭陽城郡中震動煒煜檄均督勇勦捕賊敗潰乃訪賊黨主名移潮陽知縣壽祺購捕悟空爲妻弟縛獻餘黨亦次第就擒按察使孔繼尹來潮泣讞誅首惡外餘多縱捨均以治亂民用重典力爭不得仍密捕誅之

眾心肅然

同上

二十六年雨赤泥

采訪冊

三十年軍裝庫刀自出鞘數寸七月彗星見西北長六尺餘數日始沒

咸豐元年大有年

二年六月颶風八月彗星見西北經月乃滅

三年六月大水南廂潘劉隄潰百餘丈東廂上游隄俱潰俱同上

四年三月雨赤泥大水潘劉隄潰登雲登隆諸都被水將及二百

餘鄉民多流離失業

潮乘備采錄  
參采訪冊

四月十三日晦有星隕於西南采訪冊

潮陽陳娘康鄭游春作亂知府吳均帥兵剿之

道府案冊

五月彩塘鄉吳忠恕作亂

同上

先是忠恕因流民失業與游僧亮聚寶雲寺糾眾拜會有某生

密稟知縣劉鎮鎮疑挾嫌置不理匝月聚數千人四月陳娘康

圍吳均於潮陽忠恕因約外屬諸匪謀攻府城城中戒嚴賊遂

椎牛饗眾開旗倡亂攻澄海城不克遂攻龍溪都

采訪冊

## 海陽縣志

### 卷二十五

前事略一

二十一

六月初四日知縣劉鎮都司金國樑率師出駐龍湖以圖彩塘

同上

忠恕豎旗倡亂各屬賊匪俱為響應劉鎮會同金國樑統兵進

剿忠恕聞劉鎮金國樑將至分黨進踞鶴巢又分紮古樓鄉為

犄角蹙官兵於龍湖鎮等屢戰不捷為所困餉路斷絕斂兵潰

圍回郡城時潘劉隄潰二百餘丈河水流漸有伏賊伺其半渡

截擊官軍敗兵勇多沒於水鎮與國樑倉黃入城諸無賴張揭

帖云官兵不足恃賊至當自為計人益惶惑紳士邱步瓊林恆

亨朱以鑑饒應春劉于山等乃白官請集眾團練分立五社無

事巡防有事助官軍擊賊人心稍安

潮乘備采錄  
參采訪冊

鶴塘鄉陳阿十作亂

采訪冊

先是吳忠恕將攻城城中人多遷避鶴塘阿十見子女玉帛頓懷不軌先至澄海謁賊首王興順興順允與結連歸遂聚眾叛與忠恕合進踞臥石岡洋涸溪等鄉二十四日攻饒平隆眼城二十五日攻澄海鷗汀寨皆爲官軍鄉勇所敗

同上

七月初一日陳阿十攻東橋頭潮陽知縣汪政擊之

潮乘備  
採錄

先是潮陽賊爲吳均所敗因合惠來賊攻惠來城陷之陳娘康尋病死鄭游春奪氣均以賊勢稍衰而府城警報疊至乃命知縣汪政縣丞陳坤選帶勇目楊清臣卓興張保胡佳邱興等勁勇一千四百名馳救六月二十六日抵郡政巡察險要見廣濟橋撤去梭船曰如此則橋東鄉民無退步必從賊賊踞橋東府

## 海陽縣志

### 卷二十五

前事略一

二十一

城不可守也仍飭紮回梭船橋東民心始固七月初一日陳阿十率其黨三千餘人乘夜攻城汪政陳坤劉鎮金國樑督兵出戰我軍由廣濟橋進賊由韓山結隊而來鏖戰數時斃賊百十人賊乃退嗣是賊無日不至東津武生劉財寶引賊駐東津吳忠恕復遣其子與賊黨陳阿印等進踞蔡家圍城東北河路遂絕賊登虎子山以礮轟城城益危時豐順丁日昌客巡道署募湯坑勇三百人頗精悍紮橋東甯波寺及韓山書院守東路政率勇紮西湖山守西路郡城乃恃以無恐

同上

七月二十一日汪政陳坤率師出涸溪進剿

潮乘備  
採錄

時城以外各鄉都皆賊汪政率舟師順流下涸溪以圖剿辦方

與接戰東津賊眾又蜂擁而來欲截其後政乃自出督戰而令坤馳往東津與劉鎮金國樑王近仁朱士杰等分路攻擊賊由韓山乘高衝壓我軍仰面而登各踞山之半鏖戰二時政在涸溪得勝回兵夾擊殺賊無算

三十日吳忠恕攻東橋頭汪政擊退之

吳忠恕糾黨號八千餘人由韓山背來王近仁等駐東橋頭與戰政率兵馳赴援之東津賊首劉逢得執大旗拒敵勇目卓興以銅礮斷其右臂賊乃退

閏七月初一日吳均檄罷海陽縣劉鎮以汪政代之仍留劉鎮軍

中効力

俱同上

海陽縣志

卷二十五

前事略一

二十二

吳忠恕攻庵埠隴仔鄉通判賀桂齡率兵救之不克隴仔既破庵埠鄉遠近爲賊脅應勢益披猖並毀通判署分黨踞之

采訪冊

謹案此條冊中載六月十九日事然又稱忠恕初約阿十同攻庵埠阿十以七月二十五日暴死忠恕乃自行則踞庵埠似當在閏月初旬矣

吳忠恕遣其黨李陽春分踞楓溪鄉廩生吳作舟歲貢朱光鼎潛約歸仁諸鄉共擊賊

楓溪故與北廂有隙慮其襲已歸仁鄉紳陳翱和解之乃合力攻賊賊驚潰執陽春等十人送官賊勢稍殺尋吳阿受復引賊目李如珠糾眾還踞楓溪並分黨踞北廂鳳山等鄉自是賊遂

分東西兩路俱同上

閏七月二十三日西鄉賊由楓溪等處攻城汪政伏兵西湖山側

擊之潮乘備采錄

二十八日募西南十排鄉勇設團練於城東之登榮都采訪冊

時楓溪北廂皆爲賊踞各官以西南諸鄉素強悍恐其附賊乃諭古巷楓洋鳳塘鶴隴長美孚中諸鄉耆募其鄉悍鷲勇曰給口糧名曰十排設公所城中以資統攝其城東上游河道爲踞蔡家圍之賊所截舟楫不通官又諭紳士戴維祺設團練於龜湖各鄉曉以大義約同禦賊外屬文書悉由維祺擇鄉人善水者乘夜浮渡密帶入城以通內外消息陳阿十賊黨聞覺攻其

海陽縣志

卷二十五

前事略一

二十四

鄉各團勇赴援共擊之同上

八月初七日吳忠恕合潮陽賊圍城潮乘備采錄

時惠來爲官軍克復潮陽賊投忠恕忠恕與之合八月初七日霖雨甫霽忠恕率二萬餘眾分七路環攻郡城自以大隊趨西湖山巡道曹履泰潮鎮壽山聞報登陴汪政商令各員分路迎戰劉鎮金國樑郭春林出南路王近仁朱士杰周治源出東路楊清臣陳明泰鄭英才出北路孫仲安由春城樓抄擊其後汪政與陳坤李瑄芳馳赴西湖山先登其巔奮力鏖戰自午至酉各隊殺賊無算然我軍終以兵少且受創者眾不能窮追賊自是連旬圍攻城中糧食將盡人心惶惶同上

九月吳均檄饒平知縣王惠溥援府城至筆架山後爲賊截刦入

鶴塘

潮乘備采錄  
參采訪冊

先是均聞府城西路爲賊所踞乃自潮陽歸時澄海賊首王興  
順方攻鷗汀均留澄海勦之而檄惠溥帶勇並饒馳援府城路  
經筆架山後賊伏猝發官軍死者五十餘人惠溥被執入鶴塘

同上

謹案冊載陳阿十暴死其兄阿四代統其眾鶴塘賊當爲陳  
阿四也

巡道曹履泰諭紳士陳翱邱邦彥邱樹德陳作誥陳澤開蘇奮鵬  
黃位洲等率西南鄉勇討賊約九月十六日槐梓溝山舉烽火爲

### 海陽縣志

#### 卷二十五

前事略一

二十五

號屆期不克

采訪冊

十七日西路賊攻長美鄉鄉人合古巷楓洋等鄉與賊戰於月弓  
池踞北廂賊來援孚中鄉勇禦之於西塘渡

同上

十八日夜半意溪鄉紳士鍾英才約官軍擊東路賊大破之

潮乘備采

錄參采  
訪冊

時賊糧不繼多歸鄉刈稻英才知賊營虛可擊遣弟靈爲農夫  
裝渡江謁汪政願爲內應政不稟道府不告紳士約夜半放金  
山大礮爲號航勇過江英才與弟鴻達等暗約鄉兵開礮擒賊  
官兵抵岸賊已破黎明湯坑隊勇從筆架山渡菱角池破東津  
獲賊百餘東路圍解

采訪冊

二十一日官軍與十排鄉勇攻賊於鳳山並逐踞楓溪北廂鄉賊西路圍亦解

十月汪政諭紳士郭廷集設法擒賊首並自率兵至彩塘鄉勒交各匪吳忠恕李如珠和尚亮等次第就縛伏誅陳阿四護送王惠溥並縛賊數十投誠

五年七月初四日夜有流星如錢旁隨小星數十自西北飛越數日有星赤色大如盂見東南半刻乃沒俱同上

八月二十八日吳忠恕遺黨黃學勝楊雲南等聚眾千餘人襲攻庵埠爲鄉人擊敗官軍就擒之勝等伏誅其黨悉潰散潮乘備採錄參採訪

冊

### 海陽縣志

#### 卷三十五

前事略一

#### 二十六

六年五月大水潘劉隄又潰二百餘丈護隄石磯一併坍塌同上

七年五月潘劉隄合口潮乘備採錄

潘劉隄自三年崩決耕農失業吳忠恕因之作亂事平屢築屢圮至是知縣汪政率紳士搶築乃見合口同上

八年五月蝗害稼六七兩月疫八月初三日登雲都田頭鄉地忽裂七八丈十五日大風從東方起拔木壞廬舍二十一日夜彗星

見西北逾月始沒採訪冊

九年春髮匪由閩入粵邑境戒嚴

十年春旱米貴夏大水東廂柚園隄潰

十一年五月彗星見西方逾月始沒十月白塔鄉民蘇氏家彘生

象數日斃

同治元年白塔鄉民家雌雞化爲雄

二年三月十一日夜雨黃泥

三年三月雨雹在城里仁坊黃氏女子化爲男五月大水七月初

六日雲赤如日逾刻大雨韓江水徙漲高與城齊東南客子寮厦

寺西隴水頭意溪東津柚園東鳳諸隄皆潰

俱同上

八月英人法人以撫議定始至潮州九月髮逆陷大埔邑境戒嚴

冬桃李華仙田出怪魚

采訪冊

四年二月髮逆犯饒平界布政使李福泰統兵勦之駐潮州

三四兩月米穀騰貴六月疫

海陽縣志

卷二十五

前事略二

二十七

九月髮逆復陷大埔邑境戒嚴

六年二月雨雹六月颶風

八年二月雨雹六月旣望有星大如盂

九年雷震玉簡塔

十年五月初八日鳳凰洲奎閣災六月初三日東北紅光燭天俄

變碧色大雨如注水驟長意溪東津龍湖閣洲橫砂秋溪諸隄俱

潰廣濟橋東石墩圯其一

十一年夏颶風

十二年八月颶風

十三年春日中有黑光摩盪五月二十日夜有星如劍見西北逾

時乃沒六月二十二日星鬪八月十一日颶風俱同上

大浚韓江下游水道鎮署冊

韓江沙積日淺天時稍旱梅溪一帶舟楫卽不能通總兵方耀乃集十八都紳富諭捐巨款申請大浚同上

謹案韓江自疏通河身而後大水易退於隄岸甚有裨益然不數年而沙積如故梅溪至長年設浚河局豈地勢使然非人力所能爲耶

光緒元年四月二十一日大和都雨赤泥二十八日夜丑刻風雨交作有物自南而北紅光爛爍鱗甲隱現所過拔木壞廬六月初五日夜有星大如孟尾長徑丈七八兩月疫採訪冊

### 海陽縣志

#### 卷二十五

前事略一

二十八

二年二月捕斬僞皇帝王三義縣案冊

先是光緒改元其年號初傳祺祥逮

詔書宣布中外鄉民猶有狐疑者時揭屬齋姑某某往來海潮揭世家誑騙財物無算造船三艘泊閣洲鄉隄岸側載所勾引男婦其中聲言將往海外求仙閱一二載官府莫之問會詔安王三義來潮詭稱已爲祺祥皇帝齋姑見其異惑焉引共住船中號其船曰三奇三義乃僞封其黨孫泡爲左丞相黃淑賢爲右丞相復由閣洲歷遊西北各鄉所至之地婦女被惑願爲僞嬪妃者甚夥知縣樊希元至是聞其事二月會同城守營方鰲帶兵差至閣洲三奇船搜緝有龍鳳轎日月旗覺羅皇帝親兵號

衣等物齋姑逃竄獲王三義及孫泡黃淑賢等四月解省斬之

同上

三年五月颶風

採訪冊

四年秋颶風拔木壞民廬冬地震

五年七月秋溪都八角樓災焚民居數十

六年五月大水隆津龍湖隄潰江東秋溪隄俱潰雷震玉簡塔

七年五月有星尾如劍長七八尺自東北移西北滅六月颶風八

月二十二日夜有黑雲起桑浦山厯龍溪南桂由急水塔至春城

樓外烈風暴雨隨之所過拔木壞民廬

八年八月彗星見東南長十數丈至冬始沒

海陽縣志

卷二十五

前事略一

二十九

法人始於郡城漁滄廟邊建洋樓及禮拜堂

九年六七兩月大疫目秋至冬日入時紅光燭天十一月東門街

災

十年法人陷福建馬江邑境戒嚴

十一年八月大水秋溪烏乃籐隄潰四十餘丈

俱同上

十二年正月大修南隄

朱丙壽修南隄記

南隄爲西南各都田廬保障紳士郭廷集等以河身日淺宜將

全隄培厚增高大水始足堵禦乃稟請水師提督方耀會同巡

道益齡總兵戴朝佐知府朱丙壽申請大修

同上

謹案南隄較北隄稍形低簿自應修築乃當日汲汲圖功以

六十里隄工竟於一年內報竣且就隄之外籬附牆填土崇飾外觀以致土功不堅連年脫卸則率作興事詎可苟且爲耶

十三年三月十五日地震四月疫

采訪冊

十四年三月霪雨不止大水江東亭兜隄潰自五月至七月大疫

十五年五月大水八九兩月旱

俱同上

十六年二月庵埠市災延燒鋪屋一百八十餘間五月大水秋旱

八月十三日夜有星大如盃墜東北角十一月十六日夜地震

陳濬

銳日記冊

十七年六七兩月颶風八月颶尤甚拔木飛瓦各鄉都秋稼大損

海陽縣志

卷二十五

前事略一

三十

十八年三月地震六月雨甚大水江東隄潰十一月嚴寒雨皆成

冰百果草木多隕人畜至有凍斃者

英人於南關外建醫院

十九年四月大水

二十年三四兩月旱五月大水潰社甲隄七月初十日地大震聲

若沈雷自申至丑凡七次越日又震日夜凡十餘次自此震無常

至二十七日方止

日本陷臺灣邑境戒嚴

二十一年四月地震七月十一日地大震自申至寅不計次數凡

震俱先有隆隆聒耳聲自十一日起至二十九日方止

二十二年正月地震俱同上

二十三年五月西南各都池塘水驟長二三尺逾時始復八月錢

價陡貴每貫銀八錢采訪冊

二十四年春旱三月二十八日地震有聲聞三月至四月大旱米

穀騰貴中米每石銀六兩上米七兩郡城內外鼠疫鼠中地毒死  
人感鼠毒而

疫作日鼠疫此症同治十年起自安南  
光緒十六年雷廉盛行至是延及郡地桑浦山狼虎成羣出噬人

東莆上莆附近各鄉日將晡即閉戶路斷行人五月端午韓江大

水競渡廣濟橋西岸第三墩游人擁觀折檻墜水死者數十人

二十五年春旱早禾不登四五月間鼠疫龍溪都尤甚茂龍一鄉  
以疫死者

數百人冬晚稻大熟百物仍騰貴十一月大雨雷不收聲

### 海陽縣志

### 卷二十五

前事略一

三十一

十二月奉文團練定海陽縣屬練勇一百名

二十六年正月二十一日夜子刻鬻門亭巷火二十五日晚戌刻

金山機器局又火局貯火藥十數甕時有潛入  
盜藥者誤引火火發立斃轟然一聲烈燄漲

天震動二百餘里北至大埔三河東南  
至澄海地皆震動附近民屋傾倒數十間壓

斃居民一十七人春夏閒鼠疫大作自去冬起至三四  
月大作五月杪止郡城受禍

最劇六月初六日大水北門隄意溪渡頭陷二十餘丈東廂竹崎

頭隄江東水頭隄秋溪蘇寨隄筆浦浦周志  
作圃隄俱潰同上

二十七年春夏閒庵埠龍湖等處鼠疫大作

二十八年春旱饑斗米錢千文庵埠火自春至夏大疫郡城尤甚  
俱同上

### 海陽縣志卷二十五終